



**NGAPI  
KOMBINGA LYE  
WIZO LYAU YALI?  
-Rukwangali-**

**-Second Coming-**

**[lightindarkness.site](http://lightindarkness.site)**

“MwaTate kwa kara mo mauturo gomanzi. Ngano kapisi yimo, ngano na yi mu tantera, yeeyi ame kuna kuza ni ka mu wapaikire uturo. Apa ngani za nye, ni ka mane kumuwapaikira evega, yipo ngani ka tengura ni ya mu simburure, none ngomu ka kere oku na kara.”

## **JOHANESA 14:2-3**

*[Tara no mwa Mateusa 23:39]*



Jesus kwatu tu mbwi dira asi ngaka tengura hena ngaya tu tware meguru.

“Age kwa mana tupu kuyitanta, makura tava mu gusa po, awo kuna kutara. Eremo yilyo lya mu gusire po pwawo, li va vive a va dongononke momeho. ... Makura tava tanta asi: ‘Vagara one woVagalireya, eyi muna sikamene neyi muna kutara keguru hena yinke? Jesus ogu vana mu gusa a ze meguru, yimo ngorooro nga wiza, moomu muna mu mono ta zi meguru.’”

## **YIRUGANA 1:9, 11**

*[Tara moYirugana 1:9-11; Ehororo 1:7; 14:14-15;*

*Rukasa 21:27]*



Vantu kwa mwene Jesus kwa ku tunda  
pevhu meremo.

Vantu ngava mona hena Jesus tawiza pevhu  
age mereme.

“Nye ezuva lyaHomba ngali wiza ngwendi  
moomu a wiza muwidi masiku, makura  
eguru ngali zonauke po nosindundumo  
sosingene, noyitatekatungiso ngayi pye tayi  
hanauka po, ano uzuni neyi ya kara ko  
nayinye, ngayi pya nu.”

## **2 PETURUSA 3:10**

*[Tara no mwa Mateusa 24:30-31;*

*Mapisarome 50:3-5]*



Vantu ngava zuva Jesus apa nga wiza  
hena.

“Kezuva nokokwedi nokonombungururu ngaku kara yidiviso. Pevhu ngapa kara udigu nompwagetjima zonomuhoko nsene asi efuta [nomankupi] tayi pupire. ...Makura ntani nye ngava mona MunwaMuntu ta wiza age meremo, nononkondo dononzi nouyerere.”

## **RUKASA 21:25, 27**

*[Tara nomwa Rukasa 21:25-27; Marukusa 13:24-29; Ehororo 6:12-13]*



Ngapa kara yilikidiso yoku likida siruwo sa Jesus esinga wiza hena.

“Nye divini oyo asi, nturagumbo ntene a  
diva asi muwidi ta wiza vili ezi, ngano ta  
takamesa embo lyendi, neisi va li pwayera.

None si omu liwapaike, morwa  
MunwaMuntu nga wiza vili ezi mwa dira  
kudiva.”

## **RUKASA 12:39-40**

*[Tara hena mwa Mateusa 24:36-51;*

*1 Vatesaronika 5:1-6; Ehororo 3:3]*



Kapi ngatu diva siruwo esinga wiza Jesus  
hena nga wiza ngwendi muwidi kapi ngo  
yindi ndi lira.

“Yeeyi nkenye ogu a fu nge nomuga  
nononkango dange, naMunwaMuntu nage  
nga mu fa nomuga apa nga wiza mouyerere  
wendi nou waGuhwe nou wovaengeli  
wokupongoka.”

## **RUKASA 9:26**

*[Taramo namo mwa Exodus 24:16-17]*



Jesus nga wiza nou yerere wa mwene.  
Nou wa guhwe ntani nou yerere wova  
engeli navenye veme guru.

“Yeeyi MunwaMuntu novaengeli vendi nga wiza mouyerere waGuhwe, makura nye nga ya tengwide kuwoko nkenye ogu mokuliza noyirugana yendi.”

**MATEUSA 16:27**

*[Tara nomo Ehororo 22:12]*



Apa nga wiza Jesus nova engeli vendi nga wiza no mfeto zanke nye muntu.



“Oku tava zigire nondundu nomamanya asi:  
‘Tu gwireni, mu tu horeke sipara sogu ana  
hingire kosipundi souhomba nekehandu  
IyoNzwigona!”

## **EHORORO 6:16**

*[Tara mo Ehororo 6:15-17; Jesaya 2:17-21]*



Vantu navenye ava va dira ku tambura  
Jesus ngava Kamba dara kumuvanda apa  
nga wiza.

“Age nga mu pa epwizumuko one ava muna kuhepa kumwe nose, apa nga horoka Hompa Jesus a tuned meguru, kumwe novaengeli vendi wononkondo momaraka gomundiro. Nga wiza asi a ya futise ava va dira kudiva Karunga nava ava dili kulimburukwa koMbudi zoNgwa zaHompa gwetu Jesus. Apa nga wiza Hompa, awo ngava va pangwira mezonauko lyanarunye. Ngava va faga ko kosipara saHompa nokouyerere wononkondo dendi.”

## **2 VATESARONIKA 1:7-9**

*[Tara mo 2 Vatesaronika 1:7-10; 2:8]*



Vahupuli no uzuni ou ngava uzonagura apa nga wiza Jesus.

“Ano moomu ava fu vantu navenye morwa yiwo ruvharo rwaAdamu, yimo ngorooro hena ngava va tura navenye mwenyo morwa yeeyi awo kwa likwatakana naKristusa. Nye nkenye ogu porufo rwendi: gomuhoverera va pindura koufe Kristusa, ntani vava va hama kwaKristusa, apa nga wiza.”

## **1 VAKOLINTE 15:22-23**

*[Tara nomwa Jesaya 26:19]*



Va Kriste navenye ava vafa petameko lyo uzuni ou ngava vapindura apa nga wiza Jesus.

“Tareni, ame tani mu tantere sihoramo esi asi:  
kapisi asi natuvenye ngatu fa, nye natuvenye  
ngava tu situnukisa, mokaruwogona tupu  
ngapa katu popi, apa ngaru hagara rumbendo  
rwEpanguro lyokuhulilira. Yeeyi apa ngaru  
hagara, makura tava va pindura, awo nomarutu  
gawo gokudira kuzonauka, makura natuvenye  
ngava tu situnukise ngorooro.”

## **1 VAKOLINTE 15:51-52**

*[Tara no mo 1 Vakolinte 15:51-54; 1 Johanesa 3:2;  
Rukasa 24:39]*



Apa nga wiza Jesus vaKriste ngava gwana  
marutu goma pe no mwenyo gwa narunye.

“Apa ngazi zuvhika nzigo nezwi lyomuengeli gomunene nomuhagaro gorumbendo rwaKarunga, yipo nye nga wiza mwene Homba, a tunde keguru. Ava va fira mepuro lyaKristusa, yiwo ngava lihova kuvhumbuka. Makura ntani ngava tu yambura kumwe nawo nose ava ngatu kara tu vanamwenyo posiruwo oso, tu simbagwire Homba pomaremo keguru, tu gwanekere nendi. Makura ngatu ka kare narunye nendi.”

## **1 VATESARONIKA 4:16-17**

*[Tara no mo 1 Vatesaronika 4:15-18]*



Va Kriste navenye ngava va pongayika pamwe kova engeli apa nga wiza Jesus, ngava ka gwanekera na Jesus pomaremo ntaningava vatware meguru.

“Ezuva IyaHomba tali wiza – ezuva olyo lyedona lyehandu lyendi lyedigu. Evhu ngali kara mapuku, ano vananzo navenye ngava hanauka po.”

**JESAYA 13:9**

*[Tara nomwa Jerimiya 4:23-27; 25:30, 33]*



Evhu ngali kara ngwendi mburundu mezuva olyo vahapuli navenye nga vafa ano vaKriste ngavaza meguru.

“Ano morwa ngayi hanauka yininke nayinye eyi, one ngapi nye omu nomu fira kukara moyikara yeni? Omu pongoke oku tomu tjira Karunga, one ava mwa ndindira oku tomu genderesa ewizo lyEzuva lyaKarunga, omu ngali ya zonaukira eguru komundiro, noyitatekatungiso ngayi pye yi hemuke. Nye ose kuna kundindira, moomu ga yi tumbwidira Karunga, eguru lyepe nevhu lyepe, omu ngamu kara uhungami. Ano nye vakwetu ava na hara, siruwo esi muna kundindira ehoroko lyeyi, kondjeni mu zere mwa hana sivadi kosipara saKarunga oku tomu kara nombili nendi.”

## **2 PETURUSA 3:11-14**

*[Tara nomwa 2 Peturusa 3:17-18; Jakopo 5:7-8; Rukasa 12:37; Ehororo 16:15; 22:20]*



Twa hepa kuli wapaikira ewizo lyamu zowali gwetu  
Jesus.



[www.lightindarkness.site](http://www.lightindarkness.site)